

الكتب القيمة المخزونة الكاملة لقومية هوي الصينية

回族典藏全書

吴海鷹 主編

甘肅文化出版社
寧夏人民出版社

033

主編 吳海鷹

副主編

吳建偉

雷曉靜
雷興魁

回族典藏全書

033

甘肅文化出版社
寧夏人民出版社

寧夏回族自治區人民政府

資助

寧夏社會科學院

主辦

寧夏少數民族古籍整理

編輯

出版規劃領導小組辦公室

第三十三冊 目錄

天方詩經 清木刻本 清·馬安禮

天方蒙引歌 清木刻本

清木刻本

清·馬德新

三八九一

〔回族典藏全書〕

光緒十六年歲次庚寅孟秋月

天方詩經

提督軍門馬如龍雲峯氏刊

文獻名
天方詩經
版作
者清·馬安禮
本清木刻本

初序

論語云詩可以興、可以觀、可以曰不學詩無以言。詩之有益於人不淺也。余幼習我教經典、不暇學儒。年過四十方從事儒道，惜已晚矣。然於詩書文字之間，嘗有精愈求精、密愈求密之想，而所尤好者詩之一途也。故凡高人詠士，警句佳章，莫不珍藏而篤學之。厥後朝覲天方，得我教詩經註解詞則抑揚，法則淵博，義則肫摯，理則精深，不特爲作詩者之金鍼玉尺，且爲學詩者

初序

文獻名天方詩經
作者清·馬安禮
版本清木刻本

文獻名
天方詩經
作者
清·馬安禮
版本
清木刻本

天方詩經

之藥石箴砭、但此詩雖久傳東土、因無註解、遂非庸俗易知、致便卞璞韜光、豐鍔匿采、惜哉！余自得此詩解、朝夕研究、知其精深微妙、誠非可淡漠視也。有從學者、必先習其字義文法、次究其立意遣詞、服習既久、乃知此詩何以直而不訛、文而不浮也。知其味而玩其詞、會其神而領其趣、殊覺齒頰生香、光輝奪目。雖西域不乏才人、莫不對此而俯首者。余自返中華、思以漢文譯出、不特爲我教習經者知其蘊奧、即業儒者

亦得以知其美焉無如以東土之文譯西域之詩音韻合而義理差池義理合而音韻乖謬難乎其難莫此爲甚且余孤陋寡聞恐貽大雅之

謂欲置之弗爲而夙願未償志存數十年未克成編茲於著經訓徒之餘令馬生講習先將天方詩法著爲詩海一帙並將此詩研鍊揣摩譯而傳之使知天方之詩固有合於興觀羣怨之旨而可以感發後人興起百世者其於詩道將毋同是爲序

天方詩經

初序

二

文獻名天方詩經
作者清·馬安禮
版本清木刻本

文獻名
文天方詩經
作者清·馬安禮
版本清木刻本

同治五年二月吉日天方學人櫟榆古稀復初
氏馬德新序

自序

大塊之中有噫氣焉山鳴泉咽鳥轡蟲吟無非
天地自然之音韻聖人作而萬物睹五老來游
百神效命是以康衢有謠擊壤有歌九成和儀
鳳之聲八伯上卿雲之頌襲軒鼓舞兩大綱緼
要皆莫之致而致者降及三代世風遞變是以
風有貞淫雅有正變朝覲謳歌頌君德也清廟
明堂陳祖烈也清明廣大之音作而天地應焉
直亮溫柔之性和而萬物育焉唐哉皇哉詩之

天方詩經

自序

一

文獻名天方詩經
作者清·馬安禮
版本清木刻本

文獻名天方詩經
作者清·馬安禮
版本清木刻本

爲教大矣孔子刪詩三百被之管絃所以正風俗和人心使之自化於道也吾教自隋唐入中國歷代以來均有著作及介廉劉子性理典禮至聖寶錄諸書出發明天人性命之理修身行道之程至矣精矣而於詩道無聞豈天方之無詩乎厯觀古籍所有博學宏才名章鉅製星燦林立其在愚蒙之世如祖實勤易牧勒悟來蓋士之儔其在聖人之時如歐墨勒爾里凱爾補及諸多士類皆以能詩稱其詩有十六則美刺

規頌各體具備惜乎東西異文不能比而同之

使之並軌而馳穆罕默德爲天下古今至貴之一人德極至聖妙合元眞論其理則先天地而爲萬有之種後天地而爲萬有之果論其道則統前聖而爲千古之大成垂永世而爲萬法之大宗論其學則知前古已往之事知後世未來之端而且知真宰全體大用無盡無限之寶藏不出乎九天之上而不以形色限化乎七洲之外而不爲方域拘未生以前古經載其靈異既生

天方詩經

自序

二

文獻名天方詩經
作者清馬安禮
版本清木刻本

文獻名天方詩經
作者清·馬安禮
版本清木刻本

以後鬼神聽其驅策其德化之神感應之奇蓋有言語之所不能悉稱文詞之所不能盡述者矣天方各國歌頌功德自帝王臣宰以至學士大夫詩章褒集尚矣而其最妙者莫如禱雖里亥衣頌復初師有志續述意欲譯爲詩經以公世嘗命禮講習其文綜其大畧甫經創始遂遭世故斯事遂寢茲於無意之中忽得舊編適遇馬子學海博通經籍因與朝夕講論纂譯成章復以海爾布梯註巴珠里註疏合而註解之間

以他經所有補其未備夫詩有天機非人力所能強至今以風雅大文變爲里巷俚歌其淵雅高妙已不可得況東西相距數萬里言語音韻各爲一家安能傳其所不能傳乎然以其難傳而遂終於不傳是天方之詩亦僅天方學者自相稱述而不能使天下之人共見之而共聞之勿亦大負乎古人著作之意與吾師復初氏之所望歟雖然作者謂聖述者謂明禮何人斯敢繼前賢然而經則猶是天方之經也詩則猶

天方詩經

自序

三

文獻名天方詩經
作者清·馬安禮
版本清木刻本

文獻名天方詩經
著作者清馬安禮
版本清木刻本

是天方之詩也。註則猶是天方之註也。其可譯者譯之。其不可譯者仍之。滄海一掬而不可謂一掬之非水。泰山一抔而不可謂一抔之非土。故夫厯代傳光。天籍注名。言徵兆也。其視元鳥生商。履武誕稷爲何如。眞經敕降。大法永垂。言明命也。其視天監帝謂於昭維新爲何如。剖月墜星。奇徵疊現。言感召也。其視懷柔河嶽。膺受圖符爲何如。奉天討逆。羣神扈從。言誅惡也。其視撻伐荆蠻。奮誅崇密爲何如。對越之際。親承

妙諦以慧眼而觀無上之元微、其視宥密緝熙、
小心昭事爲何如、賞罰之日、拯救眾生、以仁德
而回至尊之義、怒其視干祿、愷悌懷保惠安爲
何如、至於瞻仰至人、沉綿幽思、較之榛山苓隰、
露白葭蒼、而倍深篤慕、克已自怨悔過、虔求較
之佐史立監琢圭磨玷、而益致肫誠、約舉數端、
而其歌功頌德、勸善懲惡之意、固已昭然如揭
矣、况天方之詩、玉軸連雲、金韜麗日、盍止三百、
後有作者、規正其謬、並以其所未備補爲全詩。

天方詩經

自序

四

文獻名天方詩經
版作文獻者清·馬安禮
本清木刻本